

四庫全書

子部

欽定四庫全書

普濟方卷四十四

明 周王朱橚 撰

頭門

總論

夫人頭者諸陽之所聚諸陰脉皆至脛而還獨諸陽脉皆上至頭耳則知頭面皆屬陽部也且平居之人陽順於上而不逆則無頭痛之患陽逆於上而不順衝壅於頭故頭痛也風寒在腦邪熱上攻痰厥腎厥氣虛氣攻

皆致頭痛但氣虛氣攻頭痛愈而復作延引歲月者多有之矣偏正頭風婦人氣盛虛產後失血過多氣無所主皆致頭痛惟蝎附丸治氣虛氣攻頭痛尤合造化之妙其間所用附子取其助陽以扶虛鍾乳取其補陽以鎮墜全蝎取其鑽錐之義葱涎則取通行其氣湯使用以椒鹽蓋椒能下達鹽能引用使虛氣歸於其下對證用之無不作效者矣。頭者諸陽之會上丹產於泥丸宮百神所集凡頭痛者乃足太陽受病上連風府眉角

而痛者皆可藥愈或上穿風府陷入于泥九宮而痛者
是為真頭痛不可藥愈夕發旦死旦發夕死責在根氣
先絕也原其所因有中風寒暑濕而痛者有氣血飲食
厥而痛者有五臟氣鬱厥而痛者治之之法當先審其
三因三因既明則所施無不切效○夫頭風者亦有陽
氣虛弱及當風取涼外傷陽經致頭目昏痛眩不能起
或頭皮腫痒或兩太陽血穴痛眉稜骨痛嘔吐不可食
起則頭眩或泥丸冷痺皆頭風證也○頭面風者是體

虛陽經脉為風所乘也諸陽經脉上走於頭面運動勞役陽氣發瀉腠理開而受風謂之首風病狀頭面多汗惡風病甚則頭痛又或新沐中風則為首風又沐未乾不可以卧使頭重身熱反得風則煩悶診其脉寸口陰陽表裏互相乘如風在首久不差則風入腦遂變為頭眩養生云飽食仰卧久成氣病頭風又云飽食沐髮作頭風又云夏不用露而卧露墜面上冷面皮厚致成癰有一種腦瀉亦緣風邪入於髓海凝滯不散化為膿輕

則黃膿濁涕重則敗壞臭穢不可聞久而頭虛昏重莫舉亦能致斃者治之之法不與頭風相類當用活血去膿補虛方可用內托散加川烏乾薑以酒調服仍用附子建中湯補虛更灸顙會天穴左漏灸左右漏灸右脉訣云頭痛短瀉應瀕死浮滑風痰皆易除

頭痛 附論

夫諸陽之脈皆上行於頭面若人氣血俱虛風邪傷於陽經入於腦中則令頭痛也又有手三陽之脈受風寒

伏留而不去者名厥頭痛厥者逆也言其脈厥逆而不
順行逆壅而衝於頭故也又有入連在腦痛甚手足冷
者名真頭痛由風寒之氣循風府入於腦中故云入連
在腦則痛不可療又有風熱痰厥氣虛腎厥皆令人頭痛也

方

防風散

出聖惠方

治上焦風壅頭痛口乾煩熱

防風

一兩去蘆頭

甘菊花

一兩

赤芍藥

一兩

石膏

四兩

葛根

二兩

剉

柴胡

二兩去苗

蔓荊子

一兩

甘草

一兩炙微赤剉

杏仁

一兩湯浸去皮

尖雙仁麥
炒微黃

右搗篩為散每服四錢以水一中盞入生薑半分煎至五分去滓入竹瀝半合更煎二三沸不計時候溫服忌炙烤熱麪大蒜等

上清散

御藥院方

治頭痛眉骨痛眼痛不可忍者

川芎

鬱金 芍藥

荊芥穗

芒硝

各半兩

乳香

沒藥

薄荷葉

各一錢

腦子

半錢

右為細末每用一字鼻內搐之

人參順氣散

活人方

治頭痛憎寒壯熱四肢疼痛

麻黃

去節一兩半

乾葛

甘草

炙

白朮

人參

桔梗

去蘆

香白芷

各一兩

白姜

炮片半兩

右為末每服三錢水一盞姜三片葱白二寸同煎連進取汗

摩頂散

一名附子摩頂散

治風毒攻腦疼痛

方見首風類

麝香茶芽散

治頭疼不已諸藥不效者

茶芽

一兩

川芎

細辛

荊芥

川烏

甘草

已上各半

麝香兩少許

右為粗末每服三錢水一盞半煎至八分去滓溫服

食後

神芎丸

出危氏方

治一切頭痛昏眩利咽膈能令遍身結

滯通呻吟除痰飲解諸熱

大黃

黃芩

各二兩

黑牽牛

炒

白滑石

各四兩

黃連

大川芎

薄荷葉

各半兩

右為末水丸如小豆大溫水下十九至十五丸日三

服或煉蜜丸亦可

六神散 治頭痛眼睛痛

馬芽硝

研

鷄蘇

芎藭

各二錢

石膏

研

乳香

研

龍腦

研一字

右為細末每用一字含水搐鼻中

芎藭湯 治頭疼痛

芎藭

五兩

細辛

人參

一兩半

甘草

炙三分

半夏

一分生

姜和半夏末作麴用

右咬咀如麻豆每服三錢水一盞生薑三片薄荷五葉同煎至七分去滓溫服不拘時候

芎辛湯

出三因方

治一切頭疼但發熱者不宜服其餘痰

厥飲厥腎氣氣厥等證偏正頭疼痛不可忍者只以此藥并如聖餅子服之不拘病退但多服自能作效若氣虛年高之人仍服養正丹黑錫丹并用此藥調鍾乳粉間服諸證頭疼緊健之法無以踰此但頭疼多用石膏蓋取其能墜痰飲然恐性寒故以鍾乳粉

代之腎厥頭疼尤得其治或疑鍾乳粉煅煉之藥則凡軟石膏煅過為末服之亦驗

生附子 生烏頭 天南星 乾薑 細辛 川

芎

各一兩三分 甘草

右咬咀每服四錢水二盞薑七片茶芽少許煎至六分去滓食前服中脘素寒者不用茶芽。若氣壅盛只用川芎一兩細辛半兩甘草二錢煎如前法一方治頭風以細辛二錢川芎白芷減半為細末搐入鼻

中。一方用高良薑晒乾不見火碾為細末口含冷水以少許搐入鼻中如此數搐即愈久患頭疼尤能作效。一方治氣虛人頭疼以附子一隻生去皮切作數片用生薑自然汁一盞浸一宿漫炙乾再炙再蘸候滲薑汁為度高良薑等分為末臘茶調服名必效散。一方用白芷四錢生烏頭一錢為末每服一字許茶調服有人患眼睛痛者先令含水次用此藥搐入鼻中其效尤驗。治受濕者頭重眩暈用川芎

白朮生附各等分官桂甘草減半每服四錢薑十片

煎服名芎朮除眩湯

千金方加防風一兩

川芎羌活散 治頭痛

羌活

二兩半

細辛

二兩

川芎

二兩

藁本

二錢

荊子

二兩

白芷

半兩

防風

一兩半

右為麤末每服二兩水煎去滓臨卧旋嚥服

旋復花散

出聖惠方

治胸膈風壅上攻頭痛不止

旋復花

半兩

蔓荊子

一兩

石膏

二兩

枳殼

二兩

微黃去瓢

甘草

半兩炙
微赤剉
甘菊花
兩半

右搗篩為散每服三錢水一中盞煎至六分去滓不計時候溫服忌熱麪炙煨物

石膏丸
出聖惠方
治頭痛不止心神煩悶

石膏
一兩細研水飛
馬牙硝
兩半
太陰元精石
兩半
雄黃
兩半
硃

砂半
兩

右細研入麝香末一錢重研令勻用湯浸蒸餅和丸梧桐子大每服五丸不計時候蔥茶下

太陽丹

出患氏方

治頭疼傷寒感風氣積偏正夾腦一切

頭疼及風壅痰盛

即川芎羌活散

得效方

治腦寒之病皆

邪攻於上焦令人頭痛晝

夜引痛不能安寧

川烏

川芎

白芷

甘草

各一兩

石膏

煨二兩

腦子

半錢

右為末蜜為丸如指大硃砂為衣每服一九薄荷嚼下食後得效方每兩作十八丸食後以生蔥茶嚼下

或五九以水磨爛塗患處

一方

出海上方

治男女一切頭痛不可忍者

川芎

藿香葉

乾葛

桔梗

各半兩

甘草

一分軟石

膏

三兩煨

右咬咀每服三錢水一盞半煎至一盞去滓溫服不

拘時候連進三二服立止

石膏散

經驗方

治頭痛不可忍如神效

麻黃

去根節秤一兩

石膏

一兩

何首烏

半兩

乾薑

七錢半

川芎

一兩

右為細末每服四錢水一盞生薑三片煎至七分稍熱服極者三服必效

白芷散

一名搗藥鬱金散試效方

治風熱頭痛

石膏

白芷

各二錢

薄荷葉

芒硝

各三錢

鬱金

一錢

右為極細末口含水鼻內搗之

烏嬰散

治諸種頭疼不可忍者

川烏

炮去皮臍

御米殼

去蒂蜜汁炒

甘草

橘皮

各一兩

右咬咀每服三錢水一盞半煎至七分去滓溫服立

效

四川丸

一名鶴頂
九危氏方

治頭痛如破

大川烏

一箇生
去皮臍

川白芷

川細辛

去
葉

大川芎

各一
兩

右為末韭菜自然汁九黃丹為衣每服一丸細嚼葱

白淡清茶下

寬中丸

三因
方

治滯氣不快飲食不消胸膈痞塞凝痰

聚飲狀如傷寒頭痛痞痞

大附子

炮去
皮臍

木香

炮青皮

大黃

濕紙裹煨
各等分

右為末醋煮麴糊丸如梧桐子大每服十丸薑湯下
頭疼甚則調救生散下

天南星丸

一名硫黃丸
宋氏集驗方

治厥頭痛齒痛骨寒胃脈同

腎脈厥逆頭疼不可忍者

硫黃

研

石膏

研

天南星

炮

焰硝

各等分

右為末麴糊丸如梧桐子大每服三十丸空心食前
溫酒下

藿香散

三方

治傷寒風挾涎飲上厥頭疼偏正夾腦

諸風

藿香

半兩 川烏頭 湯浸七次去皮尖一兩

乳香

三皂角子大

草烏頭

炮製去皮尖一兩

右為末每服一次薄荷茶清調下食後服

硫硃丹

三因方

治痰厥腎厥諸證頭疼百藥不效風頭

痛太陽經受病上連風府眉角皆可藥治而愈如痛上穿風府又干泥丸者是為真頭痛藥不可愈腎厥頭痛或腦後有一道冷氣如水厚衣被覆額上是也

硫黃

生研

川烏

去皮尖各半兩

硃砂

水飛二兩

天南星

一兩炮製

右為末薑汁煮糊丸如梧桐子大每服十五丸生薑

薄荷湯下

一方用硫黃硝石南星半夏製度治證如前

玉真丸

經驗方

治腎厥頭痛不可忍其脈舉之則弦按

之則石堅

生硫黃

二兩別研

石膏

硬者不煨

半夏

湯泡七次一兩

硝石

別研各一兩

右為細末研和勻生薑汁煮糊為丸如梧桐子大每

服四十九食前用薑湯或米湯下虛寒甚者去石膏
用鍾乳粉一兩更灸關元百壯一名中黃丸素問云
頭顛疾下虛攻實過在足少陰巨陽甚則入腎徇蒙
招搖目暝耳聾下實上虛過在足少陽厥陰甚則在
肝下虛者發虛也故腎厥則頭痛上虛者肝虛也故
肝虛則頭暈徇蒙者如以物蒙其首招搖不定目眩
耳聾皆昏之狀也故肝厥頭暈腎厥顛痛不同如此
治肝厥鈎藤散佳

治頭痛發歇不止

聖惠方

蘿蔔

一枚剉去中心留蓋子

寒水石

一兩硫黃

一分膩粉

一分

右先將寒水石內蘿蔔中用蓋子蓋却以泥裹候乾燒令通赤良久取出候冷去蘿蔔入二味藥同研令勻以湯浸蒸餅和丸如菉豆大每服五丸不計時候以新汲水下

三生丸

濟生方

治痰厥頭疼

半夏 白附子 天南星

各等分

右為細末生薑自然汁浸蒸餅為丸如菉豆大每服
四十九食後薑湯送下

太白散

仁存方

治頭痛

石膏

煨二兩

川芎

半兩

甘草

一分

右為末茶芽少許熱湯調二分食後服一方無甘草

備急丸

危氏方

治積聚頭疼

大黃

乾薑

巴豆

去皮心
出油

右等分為末煉蜜為丸如豌豆大米飲下一丸羸人

服半九菰豆大以大便利為度

楊梅散

本事方

定頭痛

楊梅清

硝石

地龍干

各等分

右為細末搐鼻立效

治風毒攻注頭目痛不可忍者

一名附子散聖惠方

黑豆

一合揀令淨

附子

一兩炮製去皮臍別搗細篩為末

生薑

一兩與豆同炒

豆熟為度

右件藥以酒一大盞煎薑豆至七分去滓分為二服

每服調附子末一錢不計時候服之

又方聖惠方 治頭痛不止

丁香

一分

白芷

半兩

瓜蒂

一分

右藥搗羅為散每用半匙以來吹鼻內即差

治頭痛鼻塞頭不利

出聖惠方

白殭蠶

一分

黃丹

一分

炒

溺塗

一分

右搗羅為末用葱白略以火煨軟擣絞取汁先調藥末一徧晒令乾又調之如此三度丸如菉豆大每服

五九以冷茶下

蝎附九

一名乳附全蝎散出澹寮方

治氣虛頭痛

大附子

一枚全蝎

二枚去毒

鍾乳粉

二錢半

右用附子剉去心安全蝎附子內即以餘附為末同
鍾乳粉麴少許水和作劑包煨令熟並為細末葱涎
為丸如梧桐子大每服七十九空心食前同椒鹽湯
下一作散葱茶湯下

又方宣腦散

川練

三分

苦丁香

二十箇

山梔子

二箇

右為細末用一匙鼻內搐之

葫蘆芭散

出三方

治氣攻頭痛如破

葫蘆芭

炒

乾薑

炮

三稜

剉醋泥一宿炒乾各一兩

右為末每服二錢溫生薑湯或酒調下凡氣攻疼如

破者或瘴瘧瘥後頭痛呼號服之即愈一方用生薑

治一切頭疼

出本事方

防風

川芎

各半兩

附子

七分重者一箇炮去皮臍

右為末每服一次荊芥薄荷茶調下

治丈夫婦人風虛頭疼氣虛頭疼婦人胎前產後傷風

頭痛一切頭疼並皆治之

出本
事方

茵陳

五兩
揀淨

麻黃

石膏

煨留性
各二兩

右為末每服一錢臘茶調下食後服畢仰臥霎時

細辛散

出聖
惠方

治頭疼眼睛痛

方見首
風類

治頭痛不可忍方

童子小便

一盞
豉心
合半

右件藥同煎至五分去滓溫頻服

恒山散

出聖惠方

治頭疼往來寒熱心膈痰壅宜服

恒山

一兩擣羅為末

雲母粉

一兩

右件藥相和研令勻每服以溫水調下一錢良久當吐如吐未快即再服之一方用鹽湯調下

治頭痛不止宜服

一方烏頭散出聖惠方

伏龍肝

一兩附子半兩炮裂去皮臍

右搗羅為散每服以冷水調下二錢一方溫酒調下

治齒痛

又方

一方烏頭散
出聖惠方

川烏頭

一枚炮裂去皮臍擣令碎

生薑

一分切

右以水一鍾煎至五分去滓入蜜半合相和服之

又方

出聖惠方

胡粉

半兩硫黃一兩

右件藥同研令細以軟飯和丸如梧桐子大當頭痛以冷水下五丸良久服之

治頭痛鼻塞目不利宜服

出聖惠方

牛酥

三川朴硝二兩
分細研

右藥同研令勻頻用少許點鼻內差

又方

出聖惠方

附子

一枚生去皮臍地龍一分

右為末每用一匙以生薑汁調塗兩眼及頂上

一方地龍

膏

又方

出聖惠方

龍腦

半

鐵粉

二

右細研令勻每於食後以新汲下調下半錢

薤根丸

出經驗良方

治頭眼痛如刀刺

大川烏

去皮尖微炒

全蝎

糯米炒各等分

右以薤根汁九每服十五丸薄荷茶清食後下

神砂丸

出本事方

治頭疼及腦風

硫黃

鹽

各等分

右為末水調生麩為丸如梧桐子大每服十五丸用

薄荷茶食前下荊芥酒亦得

附子方

出澹察方

治頭痛

附子

炮

石膏

煨各等分

右為末入腦麝少許茶酒下半錢

附芎散

出本事方

治風虛頭疼

大川芎

二箇剉作四十片

大附子

一箇和皮生為末

右以和附子末如麴劑裹芎作四處如附子末少入少麴裹畢以針穿數孔子用真腦麝薰有穴處內香

再捻合穴子如未覺內有香即再薰一炷細羅灰用
銚子內熱灰炮熟取出每服半錢葱茶湯下不拘時
候

芎朮湯

出御藥
院方

清神爽志祛風消瘰治頭目昏痛止

鼻塞聲重

川芎

二兩
半

天台烏藥

白朮

二兩七
錢半

右為麤末每服三錢水一盞入生薑五片煎至七分
去滓稍熱服或細末白湯點亦得

川烏散

一名芎
香散

治男女氣厥頭疼婦人氣盛頭疼及

產後頭痛悲主之

鮑氏方

川芎

天台烏藥

一作香
附及烏頭

右等分為末每服二錢臘茶清調服或用葱茶湯調

服食後

止痛太陽丹

出醫方
大成

川芎

天南星

各等
分

右為細末用蓮鬚葱白搗爛調藥末貼於太陽痛處

治氣攻上頭疼不可忍者

草麻子

乳香

各等分

右搗貼太陽穴上如痛定急去頂上解開發氣即

去藥

治頭痛不可忍方

右用蒜一顆去皮研取自然汁令病人仰卧垂頭以
銅筋點少許瀝入鼻中急令搐入腦眼中淚出瘥

栝蒌方

治熱病頭疼發熱進退

用栝蒌一枚大者去瓢細剉置瓷碗中用熱湯一中盞沃之蓋却良久去滓不計時候頻服

蜂房方 治頭痛煩熱口乾小便赤少

用蜂房十二分炙水二升煎取八合分為二服當利小便惡熱毒隨小便出

又方凡飲酒頭痛

用竹茹三兩水五升煮取三升去滓令冷打入雞子三枚攪調更煮三沸飲之

朴硝方

出百一選方

治時氣頭痛不止

方見腦風類

治大病後虛頭痛

用四柱散將煎熟時入好臘茶一錢服之良甚

立效散 專治氣虛頭痛

用上春茶末調成膏置瓦盞內覆轉以巴豆四十粒作二次燒煙薰之曬乾用乳鉢研爛為末每服一匙別入好茶末食後點服

治頭痛

出肘後方

用水調決明子貼太陽穴一方作枕去頭風明目

葛根方 治時氣頭疼壯熱

右用生葛根淨洗擣取汁一大盞豉一合煎至六分
去滓不計時候分作二服汗出即差未汗再服若熱
加梔子十枚同煎去滓服

茗葉方

出肘後方

治卒頭痛如破非中冷非中風其病是

胸膈有痰厥風上衝所致名為厥頭痛吐之即差

右用煮茗作飲二三升適冷煖飲一二升須臾吐

畢又飲能如此數過劇者須吐膽汁止不損人待渴即差

治頭痛不可忍者是多風痰所致

用梔子末和蜜濃傳舌上吐即止神效

一方

出肘後方

治頭痛欲死

右用硝石末吹鼻內愈

當歸方

出肘後方

治頭痛頭欲裂

右用當歸二兩清油一升煮取六合飲之再服瘥

治一年深日近太陽分痛

右用酒薄荷共磨水正貼太陽上

芎辛丸

出本
事方

治頭痛面赤煩悶因干上膈風痰頭目

暈昏百節疼痛背項拘急

川芎

防風

僵蠶

獨活

各一兩

桔梗

三兩

天麻

四兩

細辛

白附子

羌活

甘草

各半兩

薄荷

荆芥

各一兩半

右為細末煉蜜和丸如彈子大每服一粒茶酒吞下

食後

龍腦丸 治頭疼旋眼花及喉痺纏喉風等

龍腦

研

丹砂

研

馬牙

硝

研各一分

麝香

研半錢

右同研勻細於碟內盛用羊膽滴汁入藥旋和成丸如黑豆大以淨合盛每用一粒以蘆管吹入鼻中以手小指送近上兩鼻皆如此去枕仰卧少時候藥溶入腦涎唾從喉內出其病立瘥

治頭痛或偏攻一邊痛不可忍

出聖惠方

苦參

一分
半夏一分
桂心一分

右為細散以米醋調如糊塗故帛上當痛處貼之神

效

石膏湯 治頭痛

石膏

碎

莎草根

炒去木毛

天麻

藿香葉

各一兩

右麤擣篩每服三錢水一盞入臘茶半錢煎至七分

去滓溫服不拘時候

神朱石膏丸 治頭痛

石膏

煨二兩

芎藭

一兩

龍腦

少許研

右為細末用麴糊和丸如櫻桃大丹砂為衣細嚼一
丸茶酒任下食後服

烏星膏

出肘後方

治太陽穴痛不可忍

川烏

南星

桂心

各等分

右為末酒調塗傳痛處

通頂散 治頭痛鼻塞腦悶

藜蘆

研半兩

黃連

去鬚三分

右為散每用少許搐入鼻中

治卒頭痛如破

右以鹽湯吐不吐摘出又云熱湯先作一升復投冷水一升乃食三合鹽以此湯送之如未出盡更服二合湯二升良

麝香散 治頭痛不可忍吹鼻

右用藜蘆和州者一莖暴乾擣為散入麝香麻子少許研勻吹鼻中

龍珠丸 治頭痛目暈及喉痺纏風等

右用長蚯蚓不拘多少五月五日取以龍腦麝香相和研勻丸如麻子大每以生薑汁塗鼻中逐邊各內一丸立愈

治落枕方

用香白芷為末擣生薑自然汁調敷患處次用厚衣被蓋頭飲少熱粥湯取汗自出即愈

導引法

養生方云一手拓頤向後勢一手向後長舒急努四方
顯手掌一時俱極勢四七左右換手皆然拓頤手兩向
共頭歌側轉身二七去臂膊頭風眠睡又云解髮東向
坐握固不息一通舉手左右導引手掩兩耳治頭風令
髮不白以手復將五通脈也又云熱食枕手卧久成頭
風目溢又云端坐伸腰左右傾頭閉目以鼻內氣除頭
風自極七息止又云頭痛以鼻內除吐出氣三十過休
又云欲治頭痛閉氣令鼻極偃卧乃息汗出乃止又云

又兩手頭後極勢振搖二七手掌翻覆按之二七頭欲得向後仰之一時一勢欲得欲邪四角急挽之三七去頭腋膊肘風

石膏散 治頭痛不可忍

麻黃

去根節

石膏

各一兩

何首烏

半兩

乾葛

七錢半

右為細末每服三錢生薑三片水一盞半煎稍熱服

寸金散

出續易簡方

治一切頭疼未為盡善若風熱痰作

不已例用此方

透明天麻 川芎 白芷 藿香 防風 人參

各半 雄黃

三錢研

地龍

去土一分

甘草

一分 蝎一分

右為細末每服半錢茶酒調下食後服立效若風寒
客於頭中偏痛無時久久牽引兩目遂至失明宜用
白附子一兩炮麻黃不去節川烏炮去皮尖天南星
各半兩全蝎五箇去毒乾薑炮硃砂水飛麝香各一兩
為細末酒調一匙服之去枕少時若偏頭風痛不可
忍用細辛一兩雄黃半兩別研為細末每服用一匙

如左邊痛搗右鼻右邊痛搗左鼻

選奇湯

治眉痛骨痛不可忍

東垣先生蘭室秘藏方

羌活

二錢防風

三錢甘草根

二錢夏月生冬月炙

黃芩

一錢酒浸冬月不用

此一味如能食熱痛加之

右呶咀每服三錢水二盞煎至一盞去滓稍熱食後

時時服之

煨石膏通紅去炭取石膏為末食後茶調

出永類鈴方

太陽頭痛惡寒

出衛生寶鑑

川芎

少陽頭痛脈弦細往來寒熱

出衛生寶鑑

柴胡

陽明頭痛自汗發熱惡寒

出衛生寶鑑

白芷

太陰頭痛必有痰體重或腹痛為痰癖

出衛生寶鑑

半夏

少陰頭痛手三部三陽經不流行而足寒氣逆為寒厥

頭痛

出衛生寶鑑

細辛

厥陰頭痛項痛其脈浮微緩知入太陽病痰矣

諸血虛頭痛

出衛生寶鑑

黃耆

諸氣血俱虛頭痛

出衛生寶鑑

黃耆

治頭痛傷風偏正夾腦太陽穴痛或涎痰不利

白芷

細辛

川芎

各等分

龍腦

牛黃

雄黃各少

許

右各為末用少許搐鼻大解暑毒

可用黑錫丹

出海上方

治真頭痛

茴香炒附子製

葫蘆芭

破故紙炒

棟子

巴戟

已上六味各一兩

木香

沉香

肉豆蔻製

桂已上四味各半兩

錫硫砂

四兩

右為末同砂子末酒和丸如梧桐子大陰乾布袋擦

令光瑩每服四十粒空心薑鹽湯下一方有陽起石

麻黃吳茱萸湯

出試效方

治頭痛胸中痛食物減少咽噎

不利右寸脈弦急

麻黃

錢半

吳茱萸

分三黃芩

分二川芎

分一羌活

分五蔓荊子

分一細辛

分一藁本

分二柴胡

分一黃耆

分三蒼朮

錢一黃連

半夏

分一

黃蘗

分二

升麻

分三

紅花

許少

當歸

分二

右件吹咀都作一服水二盞去滓煎至一盞稍熟食

後服

太陽經嚏藥

出試效方

防風

二分

羌活

二分

紅豆

三分

右為細末鼻內搐之

紅豆散

出試效方

治頭重如山濕氣在頭也

麻黃

苦丁香

半錢

紅豆

半箇

羌活根

燒

連翹

各三分

右五味為細末鼻內搐之神效

參謀栢德仲實年六十一歲壬子歲二月間患頭痛不可忍晝夜不得眠郎中曹通甫邀往視之參謀云

近在燕京患痛昏悶微痛醫作傷寒解之汗出痛轉
加復併解二服痛尤甚遂還家每過郡邑醫藥雷同
到今痛甚不得安卧惡寒風不喜飲食診其脈弦細
而微氣短促懶語言內經曰春氣病在頭年高氣弱
清不能上升頭面故昏悶本無表邪發汗數四清陽
之氣愈污損不能上榮亦不外固所以頭苦痛苦風
寒不喜飲食氣短弱宜升陽補氣頭痛自愈名之曰

順氣和中湯

出衛生
寶鑑

黃耆

一錢半君

人參

一錢使

白朮

五分佐

陳皮

五分使

當歸

五分

使

白芍藥

五分使

炙甘草

七分佐

升麻

三分引

柴胡

三分引

川芎

二分使

細辛

二分使

蔓荊子

二分使

內經曰陽氣者衛外而為固也今年高氣弱又加發

汗衛外之氣愈損故以黃耆甘溫補衛實表為君人

參甘溫當歸辛溫補氣補血芍藥酸寒收衛氣為臣

白朮陳皮炙甘草苦甘溫養胃氣生發陽氣上實皮

毛肥腠理為佐柴胡升麻苦平引少陽陽明之氣上

升通百脈灌漑周身者也川芎蔓荊子細辛體輕浮
清利空竅為使也

右剉如麻豆大都作一服水二盞煎至一盞去滓溫
服食後服之減半再服而愈明年春赴召至六盤山
曹郎中以古風贈云東垣李明之常以能醫稱易水
得奧訣為竭黃金竈一燈靜室窮內經黃帝拊掌岐
伯驚日儲月積不易售半世但聞三折肱所長用藥有
活法舊方堆案白魚生不聞李延同居且同病一下

一汗俱得其平乃知古人一證一方後世以方合證
此理殊未明公心審是者誰子有以異已喧謗聲先
生飲恨卧泉壤間生卓卓醫中英活人事業將與相一
旦去已權非輕連年應召天策府廉臺草木欣向榮好
藏漆葉青黏散莫使樊阿獨擅名

大柴胡湯

出指南方

治頭痛

柴胡

黃芩

芍藥

甘草

各炙三兩

大黃

二枳實一兩

去穢炒

右為麤末每服五錢水二盞薑十片棗二箇同煎一盞去滓溫服

苦茶散

出指南方

治頭痛

苦茶一合水三盞煎至半絞汁熱服愈

草烏頭散

出指南方

治頭痛

茶芽

細辛

各一兩

草烏頭

半兩炮

右為麤末每服三錢水三盞煎至一盞去滓溫服

玉壺丸

出指南方

治痰飲頭痛

雄黃

細研

藜蘆

去苗為末

丹砂

研

巴豆

去皮心出油

礬石

黃泥裹燒

灰研如麩細

八角附子

各等分

右和勻清明吉日煉蜜和丸杵三五百下如豌豆大
每服一粒米飲下早晨臥痰滯胸上以熱服投之
則吐積痰在下則利永除根本一服未止再服以止
為度

薑附湯

出指南方

治腎厥頭痛

大附子

不去皮臍

生薑

半兩

右吹咀以水一升煎至半升分三服

清上瀉火湯

出東垣先生
蘭室秘藏方

燕京溫官人年少時氣弱

常於氣海三里灸火節次約五七十壯至半老添熱
厥頭痛雖冬天大寒猶喜寒風其頭痛則愈微來暖
處或見煙火其痛復作五七年不愈皆灸之過也

羌活根

錢三

防風

錢七

柴胡根

錢半

藁本

錢半

細辛

許少

川芎

二升麻

錢七

荊芥穗

錢七

蔓荊子

錢三

黃連

酒浸

黃芩

酒浸

一錢

黃耆

錢一

黃柏

酒浸

知母

酒浸

蒼朮

錢半

炙甘草

錢三

草一錢生地黃

半錢

當歸身

三分

紅花

少許

甘草根

錢

右件剉如麻豆大分作二服每服水二盞煎至一盞

去滓稍熱服食後

補氣湯

出東垣先生
蘭室秘藏方

服前藥之後服此藥

黃耆

八分

炙甘草

四分

當歸身

二錢

升麻

三分

柴胡

一分

紅花

少許

右件剉如麻豆大每服秤五錢水二盞煎至一盞去

滓稍熱服食前

白芷散

出朱氏
集驗方

治頭痛及目睛痛

白芷

四錢生烏頭一錢

右為末每服一匙茶調服有人患眼睛痛者先含水用此藥搐入鼻中其效更速

細辛丸

出朱氏
集驗方

治頭痛久不差

烏梅

藁本

川芎

北細辛

甘草

各半
兩

右為末石膏半斤研細入乾鍋子內火煨過飛去石末滴石膏水和丸彈子大茶酒任下一丸無時候

葛根葱白湯

出危氏方

治頭痛不止

葛根

白芍藥

知母

各半兩

川芎

生薑

各一兩

葱

白

握一

右剉散水三升煎取一升半去滓每服一盞半熱服

參蘇飲

出如宜方

治頭痛發熱咳嗽痰稠凝痰為熱

木香

枳殼

桔梗

甘草

炙陳皮

製各半兩

乾葛

紫蘇葉

半夏製

前胡

人參

茯苓

各七錢半

右咬咀薑七片棗一枚水二盞煎至一盞去滓熱服

氣盛者去木香以參蘇飲對四物湯名補心湯治咳嗽有血本方又治婦人妊娠阻惡

升麻 白芍藥 葛根 甘草

各等分

右呖咀水煎溫服或隣家有痘瘡亦宜服內用芍藥甚穩

金沸草散

出如宜方

治頭目昏疼發熱鼻塞清涕咳嗽痰

稠

荆芥穗

四兩

半夏

製

甘草

各一兩

麻黃

製

前胡

旋復

花 各三兩 赤芍藥 一兩

以咀薑棗煎熱服

如頭久疼作苦及偏正頭疼宜川芎一兩香附二兩

為末茶清調下 出如
宜方

子瞻記荆公治頭痛法 出如
宜方 軾聞荆公云僕平昔

苦頭痛有道人教云取生菜菹汁一蜺殼許注鼻中

移時立效果驗如神以此法治人不可勝數

張粹道治頭痛法 出十便
良方

予與陳孚先史聖自應靈步月而歸龍德井至曉二人並頭痛粹道於箱中探得大烏頭二枚去皮急蒸過細切焙乾為末以好細茶滾過薑湯煎各一服而愈孚先二服方瘥加之吐逆故也

藍機聖砭腦膏治兩額角並頭頂痛

出江陽方

桂 附子 半夏

各等分並生用

右以薑汁調膏貼之

芎茶湯

出聖惠方

治氣虛頭痛

右用好川芎半兩為末每服二錢臘茶清調下甚捷
曾有婦人產後頭疼一服愈

清香散

出楊氏家藏方

治三陽伏留風邪頭疼不可忍

附子

炮去皮臍

白附子

炮川烏頭

炮去皮臍

當歸

洗焙上四味各一兩

天竺黃

天麻

去苗去肉桂皮粗

朱砂

別研

山藥

已上五味各半

兩腦子

一錢別研

麝香

半錢別研

右件為細末每服一錢薄荷茶調下不拘時候

更生散

出楊氏家藏方

治風壅上攻頭目昏項背拘急

白附子

炮二兩

天南星

二兩同浸三日

白附子研碎用新水換水日滿取出

焙乾

羌活

二兩去蘆頭

川芎

二兩

雄黃

三錢研水飛生腦子半錢別研

朱砂

三錢別研水飛麝香

二兩一錢別研

白殭蠶

一兩炒去系嘴

右件為細末每服二錢溫酒調下茶調亦得食後

玉真丸

出指南方

治腎厥頭痛

石膏

火煨通赤放地上出火毒

半夏

各一兩

硫黃

半兩細研

右為末研勻薑汁煮糊為丸如梧桐子大每服三十粒食前生薑湯下

中書左丞姚公茂年六十七歲宿有時毒至元戊辰
春因酒再發頭面赤腫而痛耳前後尤甚胃中煩悶
咽嗌不利身半月不卧於炕飲食減少精神困弱脈
得浮數按之弦細上熱下寒明矣內經云熱勝則腫
春氣者病在頭難經云熱在頭身宜砭刺之取其陽
散故也遂於腫上約五十餘刺其血紫黑如露珠之
狀頃時腫痛消散又於氣海穴中大艾炷灸百壯乃
助下焦陽虛退其陰寒次於三里二穴中各灸三七

壯治足胛冷亦引導熱氣下行故也遂處方云熱者
寒之然病有高下治有遠近無越度其制度君以黃
芩黃連苦寒酒製炒亦為因用以瀉其上熱桔梗甘
草辛甘溫上升佐諸苦藥以治其熱柴胡升麻苦平
味之薄者陰中之陽散發上熱以為臣連翹苦辛平
以散結消腫當歸身辛溫和血止大黃苦寒酒煨引
苦性上行至巔驅熱而下以為使也投劑之後腫痛
全減大便利再服減大黃慎言語節飲食不旬日良

愈

既濟解毒湯

出衛生寶鑑

治上熱頭目赤腫如痛胃膈煩

悶不得安卧身半已下皆寒足脗尤甚大便微秘

桔梗

炙甘草

黃芩

酒製炒

黃連

酒製炒

大黃

煨二錢大

便利勿用

柴胡

去苗

升麻

去腐

當歸身

各一錢

連翹

一錢

右件剉如麻豆大都作一服水二盞煎至一盞去滓食後服忌酒濕麪大料物之類及生冷硬物

治頭痛

出本草

石膏和葱煎茶服

治卒頭痛

出本草

以皂角末吹鼻中令嚏則止

治人初得頭痛

出本草

以人溺一升飲之亦多愈合葱豉湯彌佳

治熱煩痰結頭痛明目鎮心

出本草

用戎鹽水研服之

治頭疼利丈夫助陰力

出本草

用薯蕷為末和麪作餅飪食之及熱煎和蜜或為湯煎或為粉食之

治頭重心躁背膊勞悶

出本草

以荔枝食之

治病酒頭痛

出本草

以水豆花於豉中煮五味調和作羹食之

石膏散

出衛生寶鑑

治頭痛

川芎 石膏

碎者 白芷

右等分為細末每服四錢茶清調下

偏頭痛論

夫偏頭痛之狀由風邪客於陽經其經偏虛者邪氣湊於一邊痛連額角故謂之偏頭痛也夫偏頭痛者由人氣血俱虛客風入於諸陽之經偏陽傷於腦中故也又有因新沐之後露卧當風或讀書用心牽勞細視經絡虛損風邪入於肝而引目系急故令頭偏痛也

方

芎犀丸 治偏頭痛一邊鼻塞不聞香臭常流清涕或作臭氣一陣加芎蝎等徧服無效服此不十數服或作嚏突一鉗稠膿即愈

石膏

細研四兩

生龍腦

別研

硃砂

研一兩

飛四兩

用衣

生犀角

一兩

人參

去蘆二兩

茯苓

去皮二兩

川芎

四兩

阿膠

碎炒一兩半

細辛

去苗

二麥門冬

去心三兩

甘草

炙二兩

山梔子

一兩

右除別研藥後入並為末煉蜜丸每服一九至二九細嚼茶酒任下食後服

搗藥 治偏頭痛眼疾

蒼耳

即道
人頭

薄荷葉

盆硝

石膏

各一錢
亂文者水飛乳香

華細辛

貫芎

各等
分

右為細末晨午夕三時搗之

天南星散 治偏頭痛

南星

半兩

乾薑

二錢

白附子

三錢

麻黃

一錢半

全蝎

三箇

硃砂

一分麝香一分

右為細末酒調服然後側卧令痛處半邊在下

天南星散 治偏頭痛

天南星

酸漿水煮透心
軟切晒乾一兩

菊花

三分
自然銅燒紅醋防

風

半兩用水一碗同菊花自然銅防風三味煮
水盡為度去防風自然銅不用只用菊花

翦

一兩

右除二味不用外擣羅為細散每服半錢匕臘茶清
少許調只作一口呷盡分作三嚥點頭一點

四神散 治偏頭痛

地龍

去土炒

乾蝦蟇

燒灰存性
各一錢

藜蘆

半錢

龍腦

研少許

右除龍腦外搗羅為細散再研勻每用半匙許先滿口含水男左女右搗半匙入鼻內揉痛處良久痛定川芎散 治偏頭疼神效

甘菊花

石膏

川芎

各三錢

白殭蠶

半錢生用

右為細末每服三錢茶清調下一方無白殭蠶忌猪肉蕎麥

細辛散 治偏頭疼連牙齒風痛不可忍

細辛

去葉

夏枯草

各錢

華撥

高良薑

各一錢

右為細散每用少許隨痛左右搐入鼻內如牙痛用
時須開口流涎不得噴候涎盡以冷水點臘茶飲之
神聖散 治偏頭痛不可忍

方見腦
風類

治偏頭痛方

蚌蟬

二枚
生用

乳香

半分
細研

硃砂

細
研

右以蟬研水汁都和丸如小豆大痛發時左邊痛內
在左邊鼻中右邊痛內在右鼻中出青黃水為效

白雪丹 治偏頭痛

硝石

一兩 硫黃

一兩 白礬

一兩

右以固濟磁瓶子一箇先下硝石次下硫黃後下白礬其瓶蓋上留一小竅固之以慢火逼之候竅中相次煙出盡却即泥之後用大火煅令通赤候冷開瓶取出藥於紙上攤用甘草水令濕以盆覆之二日出火毒了細研用菉豆粉以水調和丸如梧桐子大每於食後以冷水下五丸

丁香散

治偏頭痛

丁香

一粒大者研

棘針

燒灰存性為末
鉤者四十九枚

麝香

一皂子大

右用研勻以紙撚搥藥隨痛左右搥之

烏豆散

治久患偏頭痛

草烏頭尖

一分生用

赤小豆

三十粒

麝香

一匙研

右麝香外為細末研勻每服半錢煎薄荷茶清放冷調下更於痛處一邊鼻內搥少許

治偏頭痛方

旋復花

半兩

草薢

半兩對

虎骨頭

酥炙今黃

右為細末欲發時以溫酒調下兩錢衣益出汗立差

又方

一名吹
鼻散

生薑汁

二合於甕器
中煨煉為末

桂心末

一匙

麝香

一匙

右同研令細每用少許吹於鼻中即差

烏金丸

出聖
惠方

治偏頭痛

皂莢

二兩燒
灰細研

石膏

二兩細研
水飛過

右都研令勻以軟飯和為丸如梧桐子大每服以薄

荷湯下十五丸

又方

出聖惠方

硃砂

一分 豉心 一分 入湯少
細研 許浸令軟

右都擣和為丸如皂莢子大以綿裹露出一頭左邊痛將藥內左邊鼻中右邊痛即內右邊鼻中即差

治夾腦風及偏頭痛方

出聖惠方

雲臺子 一 川大黃 三

分

右為細末每取少許吹鼻中後有黃水出其疾永差如有煩麻以醎醋調塗之亦效

治頭偏痛不可忍方

出聖惠方

草麻子

半兩
去皮

棗

十五枚
去核

右都擣令熟塗在紙上用筋一隻卷之去筋內左鼻中取下清涕

治偏頭痛方

出聖惠方

苦葫蘆子

一合
鬱金一
顆

右為細末用白絹子裏藥末一錢於新汲水內浸過滴向患處鼻中水出差

硫黃丸

一名如神丸
出聖惠方

治頭痛并中暑

硫黃

一硝石
兩

右同研入銚子內鎔作汁候冷取出更入石膏末一兩又同研令細用軟粳米飯和丸如梧桐子大每服以溫水下五丸頻服之差一方空心臘茶下一丸如神陳州懷醫用藥如梧桐子大每服十五丸中暑冰水下當即洒然傷冷即以艾湯下

通頂散

出聖惠方

治偏頭痛

硝石

一分滑石一分

右於銚內同炒令黃色候冷細研為末每用少許吹

入鼻中差

立效散

出聖濟總錄

治偏頭疼

地龍

去土炒為末一兩

麝香

研少許

右同研勻每服半錢糝紙上作紙撚於燈上燒隨痛

左右薰鼻中

乳香散

出聖濟總錄

治偏頭痛不可忍

乳香

如皂子大

高良薑

如指頭大

右於火上燒煙薰鼻隨痛左右用之

至靈散

治偏頭痛

方見偏正頭疼類

治偏頭痛連睛頭痛

出濟生拔粹

石膏 黍粘子

炒各等分

右為末茶酒調食前

治婦人病頭痛

出經驗良方

右用香附子為末每服三錢臘茶調下食後日三五

服一月建茶

神妙方

出經驗良方

治偏頭風痛

右用生蘿蔔汁仰卧注鼻中左痛注左右痛注右滿頭痛兩鼻皆注數十年病皆能愈

一方

出海上方

治偏頭風

右用白芥子一兩研細醋麴調攤紙上貼於痛處

仙靈脾浸酒方 治偏痛手足不遂皮膚不仁宜服

右用仙靈脾一斤好者細剉以生絹袋盛於不滲器

中用無灰酒二斗浸之以厚紙重密封不通氣春夏
三日秋冬五日後旋開每日隨性煖飲之常令醺醺
不得大醉若酒盡再合服之無不效驗合時切忌雞
犬見之

又方

出肘後方

治偏頭痛

右川京芎細剉酒浸服之佳一方用臘茶調下甚捷

華撥方

出朱集驗方

治偏頭痛及風

右以華撥為細末每用一匙先令病人滿口含溫水

然後用藥搐入鼻中效左邊疼令左鼻吸一匙右邊疼令右鼻吸一匙絕妙

治偏頭痛方

右以芫花不拘多少醱醋浸一宿焙乾搗羅為末或左邊疼即於左鼻吸藥或右痛即於右鼻吸藥一匙入藥時先含水一口防入喉內鼻中涕泣出差

川芎散 治風盛膈壅鼻塞清涕熱氣攻眼下淚多眵齒間緊急作偏頭痛

川芎

柴胡

各一兩

半夏麴

甘草

炙

甘菊

細辛

人參 前胡

防風

各半兩

右為麤末每服四錢水一盞生薑四片薄荷五葉同煎至七分去滓溫服

透關散

治偏頭疼

方見本門偏正頭疼類

一字散

治偏頭疼不可忍者

乳香

別研

延胡索

盆硝

別研已上三味各一錢

川芎

三錢雄黃

三錢別研

右件為細末每用少許左疼搗左鼻右疼搗右鼻即愈

細辛散 治偏頭疼

細辛

二分

川芎

七分

柴胡

二錢

炒黃芩

一錢

黃芩

三錢

生黃

酒浸

生黃

芩

半錢

瓦粉

二錢

甘草

一錢

黃連

七分

芍藥

半錢

藥

酒浸

藥

半錢

藥

右為麤散每服二錢或三錢水一大盞半煎至一盞取清食後服之或發燥即不治

有婦人偏頭一邊鼻塞不聞香臭常流清涕或作臭

氣一陣加芎蝎等藥遍服無效或曰腦癰偶一善醫

教服局方芎犀丸不十數服忽作嘔涕突出一錠稠

膿疾愈

醫說澹察方

○如偏頭痛宜芎芷辛良薑為末右

搗右左搗左仍先含水方搗藥宜大芎辛湯小芎辛

湯如聖餅子川芎茶調散斟冷熱服之

如聖散 治眼目偏頭疼頭風

麻黃

燒灰半兩

盆硝

二錢半

麝香

腦子

各少許

右件為細末鼻內搗之神效

通關膈下肺壅除上虛熱止偏頭疼進食藿藿散方

藿香 棟子 人參 桔梗 枳殼去心 白麥門冬去心

旋復花去萼各半兩 白朮 半夏薑汁煮透心黃焙 青橘皮

木通草 柴胡去頭 麻黃去根 甘草各一分 桑白皮三分

右件藥並剉焙乾杵麤篩為煑散食後水一盞生薑

二片煎兩錢取八分去滓熱服重煎一度服大臍秘

則加郁李仁十五枚拍碎同煎食後服

普濟方卷四十四

欽定四庫全書

子部

普濟方卷四十五

詳校官太醫院_臣袁天錫

編修_臣倉聖脈覆勘

總校官原任中允_臣王燕緒

校對官中書_臣徐步雲

謄錄監生_臣陳國遴

欽定四庫全書

普濟方卷四十五

明周王朱橚撰

頭門

偏正頭痛

附論

夫頭圓象天故居人身之上為諸陽之會頭痛之疾非止一端如痛引腦癰陷至泥丸宮者是為真頭痛旦發夕死夕發旦死非藥物之可療今人之體氣虛弱者或為風寒之氣所侵邪正相搏伏留不散發為偏正頭疼

其脈多浮緊者是也

方

川芎散 治頭風偏正頭疼

川芎^{七錢半} 細辛 羌活 槐花 甘草 香附子

石膏^{已上各半兩} 荊芥穗 薄荷葉 菊花 山茵

陳 藁本 防風^{去蘆頭已上各一兩}

右為細末每服一錢食後茶調下一日三服忌發風物一方無藁本

白芷丸

白芷

石斛

乾薑

各一兩

細辛

五味子

厚朴

肉桂

防風

茯苓

甘草

陳皮

各一兩

白朮

右為細末煉蜜為丸如梧桐子大每服三十丸不飢不飽時清米湯飲下

飛虎散 專治偏正頭疼

白附子

香白芷

荊芥穗

石膏

煨研

川芎

天

麻 薄荷葉

防風

已上各半兩

蒼朮

一兩米泔浸

兩頭尖

一兩黑心者不
用明白者佳

右為細末每服一錢臨卧溫茶清調服忌食熱

千金散 治偏正頭疼諸證

川芎 細辛 防風 甘菊花 甘草 石菖蒲

青藤根 全蝎 細茶芽 藁本

右咬咀每服五錢水一盞半葱白一根同煎至七分
去滓食後臨卧服滓再煎一方如眼目疼痛加貫仲
一兩

王瓜散 專治偏正頭痛

王瓜

燈心炒
黃色

木香

川芎

天麻

麻黃

去節防風

去蘆
頭

細辛

去苗

甘草

炙各

半兩

荊芥穗

一兩
半

右為細末每服二三錢食後熱茶清調下

川烏散 治偏正頭痛傷寒冷打撲折碎破傷風頭面
虛腫嘔逆惡心

川烏

草烏

藿香葉

川芎

甘草

白芷

川蝎

各半兩

雄黃

六分

右為細末每服一錢入好茶半錢百沸湯點趁熱服之如破傷風每服用大半錢以葱白三寸細嚼滾熱酒大半碗調服甚者如行五里再一服即愈

通天散 治偏正頭疼并夾腦風壅滯明目

赤芍藥 川芎 黃連 元胡索 黃芩 草烏

頭 當歸

乳黃 別研各等分

右為細末每服少許紙撚藥塞之鼻中

清空膏 治偏正頭疼年深久不愈者兼療風濕熱頭

痛上壅損目及腦痛不止

羌活

防風

黃連

炒各一兩

柴胡

七錢

甘草

一兩半炙

川芎

五錢黃芩

刮取黃色剉碎一半酒炒細梃子者良

右為細末每服二錢熱盞內入茶少許湯調如膏抹在口用少吃白湯送下臨卧如苦頭痛每服可用細辛二錢。如太陰脈緩有痰名曰痰厥頭痛去羌活防風川芎甘草加半夏一兩半如偏頭痛服之不愈減羌活防風川芎一半加柴胡一倍如發熱惡熱而

渴此陽明頭痛只於白虎湯中加好香白芷

徹清膏

川芎

二錢

蔓荊子

一錢

細辛

一分

生甘草

半錢

薄荷葉

三分

藿

本

一錢

甘草

半錢

炙

右為細末食後茶清調下一錢或半錢二錢皆可

芎黃湯

治偏正頭疼外傷風邪鼻塞聲重清涕多嚏

者

川芎

半兩

雄黃

一錢

研水飛

細辛

去苗葉

一錢半

荊芥穗

三錢

全蝎

五枚
炒 大川烏 一兩枚炮去皮
臍切碎炒黃色

右為細末每服半錢茶少許白湯點服不拘時候

蠱落湯 治偏正頭疼頭風

麻黃 去根節 七錢半 人參 去蘆 五錢 陳皮 去白 七錢 甘草 去皮 八錢 御米

殼 去膈瓤頂蒂三分
蜜炒黃色

右咬咀每服五錢生薑七片煎至七分去滓溫服食

遠

白龍丸 治一切風偏正頭疼鼻塞腦悶大解傷寒及

頭風遍身瘡癬手足頑麻

川芎 藜蘆 細辛 白芷 甘草

右等分為末每藥四兩入煅了石膏末一斤水搜為丸每一兩作八九每服一九食後薄荷茶嚼下風蛀牙痛一九分作三服乾揩後用鹽湯漱之更用葱茶嚼下一九一方有陳皮

通頂散 嚏藥

方見頭痛類

梅煎散

川烏

去皮尖

白附子

石膏

半夏

南星

各一兩

右為細末每服二錢水一盞薄荷七葉白梅一箇煎至七分食後臨卧服或嘔吐加生薑十片昏暈入葱

白茶調下

半字散

川烏

一箇去皮尖

草烏

七箇去尖炮

川芎

半兩

石膏

一兩煨

荊芥

一兩

右為細末每服半錢茶清調服忌食鯉魚

石膏丸 治偏正頭疼惡心痰逆

石膏

四川烏

一兩生

硝石

一兩半

元精石

二兩煨

右為末薑糊丸如梧桐子大每服十五丸荊芥湯下

食後服

乳香散 治偏正頭疼損眼目赤眼睛疼

乳香

盆硝

青黛

各半兩

加腦子

右研勻疼邊鼻內搗一匙

真珠散 治偏正頭風頭痛

盆硝

一錢半

白滑石

一兩

乳香

一錢半

片腦

少許

右各研為細末再同研細每用一匙口噙水鼻內搐之

神效散 治偏正頭痛

川芎

一錢

牡丹皮

二錢

滑石

二錢

米殼

三錢

蜜炒黃

右咬咀每服五錢薑一兩水一盞半煎至七分去滓臨卧溫服

抽刀一字散

生烏頭

去皮鹽水浸一月取出切片又以生薑汁浸一宿炒乾如急用只炮去皮尖不必浸

也細辛

蟬退

川芎

各半錢一處炒

右為細末每服一匙茶清調下

蓋落散 治偏正頭疼不可忍

米殼

去頂膈淨二兩

柴胡

五錢

桔梗

五錢

甘草

五錢

右㕮咀每服五錢水一盞煎至七分入燈草十莖去

滓食後服若是住疼痛加生薑五片依前煎及服藥

先聞藥滓後服

川附散

川芎 白附子 牛蒡子 荊芥

各等分

右為細末每服二錢臘茶調服

治偏正頭疼

猪牙皂莢

去皮

香白芷

白附子

各等分

右為末每服二錢食後臘茶調下右痛右側卧左痛
左側卧兩邊皆痛仰卧

又方

硝石一兩研 青黛一錢 地龍皮一錢炒

右為末搗鼻內一方名青龍散每用半匙以下含水
滿口嚙藥鼻中即不痛右痛右嚙左痛左嚙兩邊痛
左右俱嚙立止

懸萋散

懸萋一枚焙乾判細 赤爬兒七枚焙乾 大力子四兩焙黃色牛蒡子是也

右為細末每服三錢食後溫酒茶清任下忌動風熱
之食

石膏散 治偏正頭痛

石膏

二兩芍藥

一兩赤白

川芎

三錢

右各生用為細末每服一錢茶清調下併喫三服

神效麝香散

一名太乙麝香湯

治偏正頭疼夾腦風連眉項

頸徹腮項疼痛者

方見腦風類

星烏石膏散

南星 草烏 石膏

煨已上各一兩

右為細末每服一錢薑三片薄荷七葉鹽梅一箇水

一盞煎至半盞如頭風注眼先將此藥熏服再溫連白梅服之

急風散 治男子婦人偏正頭疼夾腦風太陽穴痛坐卧不安

生川烏

去皮

石砂

研飛各二兩

生南星

洗去皮四兩

右為細末每月酒調塗痛處兼治小兒傷風鼻塞清涕酒調塗顙門上不可服

龍香散 治偏正頭痛不可忍

地龍

去土微炒黃末

乳香

半兩

右為細末每用一錢摻在紙上作紙撚子燈上燒令煙出鼻內聞煙氣

至靈散

一名細辛散一名透頂散

治偏正頭痛

雄黃

得深黃紅而雞冠色者佳臭黃勿用

細辛

真者去蘆洗

右等分為末每用一匙左痛搗左右痛搗右鼻中口
噙水搗之一方治偏頭疼名透關散一方如左痛搗
右鼻右痛搗左鼻名透頂散

必勝散

一名必效散

治風寒流注陽經致偏正頭疼久年

不愈此藥最有神效

附子

大者一隻生去皮臍切為四段以自然生薑汁一大盞浸一宿火炙乾再於薑汁內蘸再

炙再蘸以盡為度

高良薑

與附子等分

右為末每服二錢臘茶清調下食少時連進二服忌

熱服

點頭散

一名芎香散

治偏正頭痛

川芎

二兩生

香附子

去毛四兩炒

右為細末每用一錢好茶清調下常服可除根一方等分空心熱酒調下明目又治得婦人血風

治偏正頭疼

川芎 益硝

各等分

右為末搐入鼻中立效

一方治偏正頭疼

右用穀精草一兩為末以白麴和貼紙上安痛處乾即易之

白殭蠶方 治偏正頭疼夾腦風連兩太陽穴痛

右用白殭蠶細研為末用葱茶調服一方治卒頭疼

熱水調下

大附丸

一名葱附丸

治氣虛壅上攻偏正頭疼不可忍欲

倒卓者

右用大附子一枚炮去皮臍為末葱汁糊為丸如棗

豆大每服十九至十五丸茶清下一法以川烏頭炮

去皮尖為末韭葉自然汁和丸治風虛痰涎頭疼服

如前法

立效散

出德生堂方

治偏正頭疼

右用蓖麻子不以多少去殼研爛紙花攤上貼左右太陽穴上即住疼一方研爛取汁於頭偏痛處塗之

治偏正頭疼方

出經驗良方

右用朴硝萆薢等分為末搐鼻中立醒

二芎餅子

出濟生方

治氣厥上盛下虛痰飲風寒伏留陽

經偏正頭疼連腦顛吐逆惡心目暝耳聾常服清目

化風痰

撫芎 川芎 乾薑炮 藁本 蒼耳炒 南星炮去皮

防風

去蘆

甘草

各等分

右為細末生薑汁浸蒸餅丸如雞頭子大捏作餅子曬乾每服五餅細嚼茶清任下不拘時候

如聖餅子

出永類鈴方

治男子婦人氣厥上盛下虛痰飲

風寒伏留陽經偏正頭疼連腦顛吐逆惡心目瞑耳聾常服頭目消風化痰暖胃氣

天麻餅

方見首
風類

太一散 治偏正頭疼發散風壅上清頭目甚妙

川芎 石膏 藜蘆 甘草

生各
等分

右為細末每服少許鼻內搐之微嚏為妙

一字散

出朱氏
集驗方

治偏正頭疼

全蝎

八箇

防風

一分

殭蠶

兩半

天麻

一兩

川烏

一箇

南星

一箇

重半兩已上者研為末生薑自然汁和成一塊入
朱砂一粒豆大乳香一粒豆大和南星用文武火

煨令香熟切
作薄片焙乾

右同為末入麝香硃砂各半兩拌勻每服一匙食後葱酒茶調下

救苦神白散

出衛生寶鑑

治男子婦人偏正頭疼眉骨疼

兩太陽穴痛及熱上攻頭目赤不已項筋拘急耳作蟬鳴

川芎 甘草

炙一錢

甘松去土

赤芍藥

香白芷

兩

頭尖

川烏頭

去皮臍各六錢

右為細末每服二錢溫茶清調下服藥飲熱水半盞

許

川芎神效散

出衛生寶鑑

治風熱上攻偏正頭疼無間微

甚久新

川芎

甘草

一分川烏頭生去皮臍

香白芷

天南星

麻黃

去根已上各半兩

右為細末每服三錢水一盞生薑三片煎至七分投

清茶半盞和滓溫服密室避風如人行至七里再服

汗出為度其痛立愈

通關散

出楊氏家藏方

治偏正頭風頭旋頭痛鼻塞聲重四

肢倦怠又治目赤腫痒昏澁羞明冷淚不止漸生翳

膜胥肉遮障數年不愈者服之神驗

山茵陳

薄荷葉

去土

藜蘆

去土

木賊

去節

當歸

洗焙

川烏

頭

炮去皮

蟬蛻

去土七味

川芎

甘草

炙

香白芷

羌活

去蘆頭

萆薢

已上五味各三兩

石膏

一兩半

麻黃

一兩去根

節荊芥穗

五兩

防風

五兩

右件為細末每服一大錢臘茶調下食後

雄黃散

出楊氏家藏方

治一切風虛氣攻偏正頭痛嘔吐涎

沫服之神效

草烏頭

肥實心白者水浸二宿切作片慢火焙乾二兩

薑

一兩

防風

去蘆

頭當歸

洗焙

天南星

炮

藁本

去土

肉桂

去粗皮

甘草

炙雄

黃

不夾石通明者別研

白礬

蠶炒去絲青

川芎

已上九味各半兩

右件為細末入雄黃研勻每服一錢先嚼煨葱三寸

人生薑汁五七點茶清調下食後忌熱物少許

茶調散

出余居士選奇方

治偏正頭風諸藥不愈者宜服此

香白芷

二兩半炒

川芎

一兩剉炒

甘草

一兩剉炒

川烏頭

半兩剉

右四味搗羅為末每服二錢好茶少許薄荷三葉湯調如暴風頭疼可加葱白二寸細切和茶調下

頭面風論

方書所謂頭面風者即眩暈是也然眩暈既涉三因不可專為頭面風者如重傷風寒暑濕在三陽經皆能眩人頭重項強但風則有汗寒則掣痛暑則熱悶濕則重着吐逆眩倒屬外有所因喜怒憂思致臟氣不行鬱而生

涎結為飲隨氣上厥伏留陽經亦使人眩暈嘔吐眉目
疼痛眼不得開屬內所因或飲食饑飽甜膩所傷房勞
過度下虛上實拔牙金瘡吐衄便利去血過多及婦人
崩傷皆能眩暈眼花屋轉起則眩倒不屬內外因頭面
風者由體虛之人陽脈為風所乘也諸陽之經皆上足
於頭面若運動勞役陽氣發洩腠理開疎而受之風邪
謂之首風其狀頭面多汗惡風頭痛又新沐頭未乾不
可便卧使頭重身熱又夏露下卧露滴面工亦作面風也

方

巴戟天散

出聖濟總錄

治頭面遊風

巴戟天

去心二兩

菊花

擇

芎藭

乾薑

炮

防風

去蘆

石楠

葉

白朮

烏頭

炮製去皮臍

附子

炮製去皮臍

細辛

去苗葉

蜀椒

去目并閉口炒出汗

山芋

人參

去蘆

桔梗

去蘆炒

秦艽

去土

枯蕒實

切焙乾

澤瀉

甘草

炙

羌活

去蘆

天雄

炮裂去皮臍

山茱萸

熟乾地黄

焙各一兩

右為末每服一錢半加至二錢食前溫酒調下日再

入頂散

出千金方

治頭面腫脹滿腦癰偏枯發作有時狀

如刀刺然疼失聲音面目變青

山茱萸

芎藭

防風

獨活

各一兩

細辛

薯蕷

莽草

白朮

牛膝

石南

甘草

各一兩

烏頭

通草

菖蒲

附子

麻黃

蜀椒

桔梗

各一

兩六銖

右治下篩酒服方寸皆三亦治厥逆頭疼齒亦痛

甘菊花丸

出聖惠方

治頭面風皮膚痺肢節疼痛頭目

不利項強耳聾

甘菊花

三人分

參

三分去蘆

當歸

三分防風

半兩去蘆

秦艽

半兩去苗

山茱萸

半兩

白蘚皮

半兩

黃耆

半兩

漢防己

半兩

桂心

半兩

朮

半兩

白蒺藜

半兩

生乾地黃

半兩

獨活

半兩

薯蕷

半兩

芎藭

半兩

細辛

半兩

蒼耳子

半兩

右為末煉蜜和搗三五百杵丸如梧桐子大每服不

計時候以溫酒下二十丸

菊花散

出千金方

治頭面遊風

菊花一兩細辛 附子 桂心 乾薑 巴戟 人

參 天雄 石南 茯苓 秦艽 防風各二兩 防

已 白朮 山茱萸 薯蕷各三兩 蜀椒五合

右治下篩酒服方寸匕日三

烏蛇散出聖惠方 治毒風上攻頭面赤熱或生細瘡皮膚

瘙痒心神煩燥

烏蛇肉二兩酒浸 羚羊角屑三人參三分 赤茯苓

分沙參三分 麻黃一兩去根節 防風去蘆三分 白蔹 藜二分

去刺白鮮皮

三分

獨活

一兩

黃芩

三分

秦艽

一兩

川升麻

川大黃

三分

牛蒡子

半兩

微炒

右細羅為散每服不計時候以溫漿水調服二錢

羌活湯

出聖濟總錄

治頭面風惡風多汗頭疼身熱

羌活

去蘆

人參

蔓荊實

菊花

石膏

白朮

前胡

去蘆

防風

地骨皮

芍藥

枳殼

去穢炒

荊芥

穗

桔梗

炒

白茯苓

去黑皮

麻黃

去根節各一兩

右麤搗篩每服三錢水一盞入生薑三片薄荷五葉

同煎至七分去滓服一方入甘草三分

羌活湯

出聖濟總錄

治頭面諸風

羌活

去蘆

黃連

去鬚桂皮去麤

羚羊角

鎔

枳殼

去麤炒

草薢

白朮

各一兩

芎藭

當歸

切焙

天雄

炮裂去皮臍

麻黃

石膏

各一兩半

黃芩

去黑心

旋覆花

各半兩

杏仁

十枚去皮尖雙人研

右麤搗篩每服五錢水一盞半入生薑半分切煎至

八分去滓溫服

羌活湯 治頭面風頭目昏眩筋脈拘急痰涎壅滯肢

節煩痛

方見本門
風頭眩類

麻黃湯

出聖濟
總錄

治頭面風面熱煩躁皮肉如亂鍼刺

痛

麻黃

去根
節

杏仁

去皮尖雙
仁炒研

桔梗

去蘆

秦艽

去苗
葉

薄荷

葉

牡丹

去心

防風

去叉

芍藥

升麻

黃芩

去心

紫

苑

去苗各
一分

半夏

湯浸去
滑半分

羌活

去蘆
半兩

右麤擣篩每服二錢水一盞入生薑三片煎至七分

去滓食後臨卧熱服

山茱萸散

出聖惠方

治頭面風皮膚瘙癢心膈煩悶目眩

頭疼

山茱萸

半兩

甘菊花

半兩

荆芥穗

半兩

秦艽

三分

芎藭

一兩

一伏

神

三分

蔓荊子

三分

山梔子

半兩

羚羊角屑

半兩

漢防己

半兩

已

半兩

藁本

三分

甘草

半兩

微炙

剉

右為末每服三錢以水一中盞入薄荷三七葉煎至

六分不拘時服忌濕麪油膩

白蒺藜丸

出聖惠方

治熱毒風攻頭面瘙癢如蟲行時發

風疹

白蒺藜

三分微炒去刺

獨活

三分

羚羊角屑

三分防風

一兩三分去蘆

薯蕷

三分

苦參

一兩剉

楓香

一兩

蟬殼

半兩微炒

葳蕤

半兩

地骨

皮

三分

枳殼

三分微黃去穢

莽草

一兩微炙

右為末煉蜜和搗三五百杵九如梧桐子大每服不計時候以溫酒下二十九忌豬魚肉

防風散

出千金方

治頭面風在眉間得熱如蟲行或頭眩

目中出淚

防風五兩桂心 天雄 細辛 硃砂 乾薑 人

參 烏頭 附子各二兩 莽草 茯苓 當歸各一兩

右治下篩酒服方寸匕日三

蔓荊散出聖惠方 治頭面風皮膚不仁頭痛心悶四肢不

利

蔓荊子三分 防風半兩 山茱萸半兩 枳殼三分 麩炒麻

黃根三分 旋覆花三分 甘菊花三分 芎藭三分 莽草三分 微炒

甘草半兩 羚羊角屑三分

右麤羅為末每服三錢以水一中盞入生薑半分煎至六分去滓不計時候溫服

犀角湯

出千金方

治風毒熱頭面腫

犀角

生薑

各二兩

苦參

桔萎根

防風

各一兩

石

膏

六兩

黃芩

青木香

升麻

各三兩

防己

一兩半

竹葉

兩握

右以水七升煮取二升分三服相去十里久內

消不利

芎藭丸

出聖濟
總錄

治頭面風生瘡久不已

芎藭

黃耆

剉防風

去

山梔

去

枳殼

麩炒

去瓢

生

乾地黄

焙

羌活

去

白芷

苦參

各三

白附子

兩

炮半

右為末煉蜜和丸如梧桐子大每服二十九食後溫

水下

藁本散

出聖
患方

治頭有風牽引眼睛疼痛偏視不明

藁本

一兩

細辛

三分

秦艽

一兩

羌活

三分

桂心

半兩

山茱萸

半
天雄

半兩

炮裂
去皮臍

薯蕷

三分

蔓荊子

半兩

右為細散每服不計時候以溫酒調下二錢

犀角升麻湯 治陽明經絡受風熱口唇頰車髮鬚腫

及鼻額連頭

方見上部
瘡門瘡類

皂莢煎丸

出聖惠方

治頭面風瘙痒如蟲行三焦痰滯臟腑

壅塞

皂莢

一片不艸者搥碎以淡漿水三兩酒二升按濾取汁慢火熬成膏烏蛇肉三兩酒

黃枳殼

一兩麩炒微黃去瓢

川大黃

一兩剉碎微炒

防風

一兩去蘆

苦參

一兩剉牛蒡子

一兩微炒

天麻

一兩剉

荊芥

一兩

右為末阜英煎和丸如梧桐子大每服不計時候以溫漿水下三十丸

赤箭散

出聖惠方

治頭面風皮膚瘙癢頭目昏痛上焦煩

壅

赤箭

三分前胡

一兩去蘆

白蒺藜

半兩微炒去刺

黃耆

半兩剉

防風

去蘆枳殼

三分麩炒微黃去瓢

羚羊角屑

半兩

甘菊花

半兩

甘草

一分炙
微赤剉

右麤羅為散每服四錢以水一中盞煎至六分去滓

不計時候溫服

薯蕷散

出聖惠方

治頭面風目眩耳聾

薯蕷

一兩

防風

一兩去蘆

細辛

半兩

山茱萸

半兩

川升麻

半兩

甘

菊花

半兩

蔓荊子

半兩

藦本

半兩

右細羅為散每服不計時候以溫酒調下二錢

防風散

出聖濟總錄

治頭面風皮膚癢痒或生瘡不已

防風

去義

芎藭

荊芥穗

黃耆

剉

蒺藜子

炒各人

一兩

參

去蘆

惡實

甘草

炙剉各半兩

右為散每服一錢食後沸湯調下

旋覆花湯

一名菊
花散

治頭面風目眩頭痛痰涎壅滯心

膈煩悶咽喉熱疼唾如膠粘

旋覆花

菊花

擇

桑根白皮

各三分

石膏

碎研一分甘

草

炙剉
半兩

蒺藜子

炒去
角

地骨皮

各一
兩

右麤搗篩每服二錢水一盞煎至七分食後溫服一

方為散每日不計度數如茶點喫忌熱麪毒物等

天麻丸

出聖濟
總錄

治頭面風及暗風倒仆

天麻

酒浸一宿切焙

附子

炮製去皮臍

白附子

新羅者炮

芎藭

當

歸

切焙

烏藥

天台者各一兩

荊芥穗

六兩

右為末煉蜜和搗三千杵九如彈子大每服一九薄

荷酒嚼下日三如不喜酒薄荷茶下亦得

全生方

一名白芷散

治痛風多汗惡風頭痛不可以風謂

之頭面風

川白芷

三分

山茱萸

山藥

甘菊花

細辛

天

雄

粉草

各半兩

右為末每服二錢溫酒調下不拘時候

芎朮散

出聖濟總錄

治頭面多汗惡風頭痛身熱煩悶

芎朮

白朮

天麻

防風

去義荆芥穗兩各半

細辛

甘草

炙剉一分

右為散每服二錢沸湯點服或煉蜜丸如櫻桃大每服一九茶酒嚼下亦得不拘時候

羌活散

出聖濟總錄

治頭面風眼黑及面腫

羌活

去蘆

獨活

去蘆

芎朮

桂

去粗皮

乾薑

炮

附子

炮裂

去皮臍
等分

右為散每服二錢夜卧煎豉汁調下二錢立瘥

松脂膏

出千金方

治頭面上生風

松脂 石鹽

杏仁 蜜蠟

各一兩

薰陸香

二兩 單麻

仁

三兩

右熱搗作餅淨剝百會上髮貼膏上安紙三日易若

痒刺藥上下久風定

獨活丸

出王氏博濟方

治頭面風頭目疼痛昏眩不止利膈

化痰

獨活

去蘆

芎藭

甘草

炙剉各一兩

乾蝎

去土炒一分

半夏

湯洗七遍去滑

防風

去叉各一兩

右為末以半夏末同生薑汁和丸如梧桐子大每服七丸至十九丸荊芥薄荷湯下一方有甘菊無甘草

羌活丸

出聖濟總錄

治頭面風頭目昏痛痰氣上衝旋運

羌活

去蘆

茯苓子

炒去角

芎藭

薄荷葉

乾者各二兩

白僵

蠶

炒一兩

右為末入龍腦麝香少許煉蜜和九彈子大每服一
九細嚼臘茶或酒下頭目旋運荊芥湯嚼下一方無
薄荷用乾雞蘇亦得

甘菊花散

出聖濟
總錄

治頭面風頭目昏眩

甘菊花

擇

旋覆花

防風

石膏

碎研各
等分

右為散每服二錢臘茶調服如煎此藥沐髮大去白

屑

檀香散

出聖濟
總錄

治頭面風頭目昏眩肩背疼痛頭皮

腫痒頸項拘急

白檀香

剉半兩

甘菊花

擇三兩

芎藭

三兩

甘草

生一兩

右為末每服一錢溫薄荷湯調下茶清或沸湯調亦得

羌活散

出聖濟總錄

防風散

出千金方

治頭面徧身風腫方

防風

白芷

白朮

各三兩

右治下篩酒服方寸匕日三

附芎散

治頭風

方見頭痛類

艾煎膏

出御藥院方

治頭面風熱小瘡多痒少痛黃汁出

並皆治之

艾葉

一醋一兩升

右將艾葉同醋於銀鍋內同煎數沸濾出滓慢火再
熬成膏每用薄荷在於紙上貼患處一日上兩次

杏仁膏

出聖惠方

治上氣頭面風頭痛胸中氣滿奔豚氣

上下往來心下煩熱產婦金瘡百病方亦治眼瞶鼻

塞眼暗冷泪

右用杏仁一升去皮尖雙仁者不用搗研以水一斗
濾取汁令盡以銅器煑火上從旦煑至日入當熟如
脂膏下之空心酒服一方日三服不飲酒者米飲服
之慎猪肉蒜鮓一方杏仁三升為末水煑四五沸洗
頭冷汗盡三度瘥

香白芷散

出直指方

治面諸風

右用新白芷剉以蘿蔔汁浸日乾為末沸湯調食後
服或以些子搗入鼻中左用右搗右用左搗效

牛蒡子膏 治頭面忽腫熱毒風攻或手足頭面赤腫
觸著痛

右用牛蒡子根一名蝙蝠刺洗淨爛研酒煎成膏攤
在紙上貼腫處仍熱酒調下一服腫止痛減

治卒中風頭面腫方

出千金方

右擣杏仁如膏雞子黃合搗令相得傅帛上厚裹自
乾頻傅不過八九傅差一方無雞子黃

知母湯

治遊風走攻頭面四肢作腫塊

知母一兩麻黃製黃芪炙甘草炙羌活 白朮

咬咀入枳殼牛蒡子搥碎煎冷服一方去牛蒡子

烏犀天麻黃九 治頭面諸風口目瞶動精神昏憤咽

膈不利

犀角屑 天麻去苗細辛去葉防風去蘆香白芷 羌

活去蘆甘菊花 川芎已上八味各一兩龍腦 麝香別研一錢

右件為細末入腦麝研勻煉蜜為丸每一兩作八九

每服一九細嚼茶清下食後

治頭面遊風遍身癢

以無風獨搖草煮汁淋蘸

風頭痛

附論

夫風頭痛之病曰風邪客於陽經循風府而上至頭腦
令人頭重疼痛心膈煩熱上焦壅滯頭面虛汗診其脈
左手寸口浮緊者是也

方

天麻散

即川芎
天麻散

治頭項痛頭面腫拘急風傷榮衛發

燥熱

川芎

細辛

地骨皮

苦參

何首烏

蔓荊

子

菖蒲

薄荷葉

杜錢藥

牛蒡子

荊芥

穗

蛇蛻草

威靈仙

防風

各半兩

天麻

一兩

甘草

三兩炙

右為末每服二三錢用蜜水調下茶酒任下不拘時

防風湯

治風頭痛

防風

去

義柴胡

苗

黃連

去

當歸

炙

枳殼

去

炒

大黃

剉

天雄

炮裂去皮臍去

地骨皮

各一兩

桑根白皮

剉炒羌活去蘆

芎

藟

各一兩半

石膏

杵碎一兩

旋覆花

桂

去粗皮

菊花

各半兩

右剉如麻豆大每服五錢水一盞半入生薑半分切

煎取八分去滓溫服

羌活湯

治頭風頭旋四肢拘急偏正頭痛

方見風頭眩類

比金散

治傷寒冒風頭目痛四肢拘急鼻塞

荊芥穗

麻黃

白芷

細辛

何首烏

菊花

防風

石膏

川芎

薄荷

乾蝎

草烏頭

各等分

右為末每服一錢水一盞煎溫服酒茶亦得
川芎散 治頭風偏正頭疼

川芎 細辛 羌活 槐花

石膏

各半兩

荊芥穗

薄荷

菊花

茵陳

防風

各一兩

右為細末每服二錢食後茶清調下
治頭風痛沐頭方

大定回春全書

普濟方

甘菊花

二兩獨活

二兩莽草

一兩皂莢

二兩桂心

一兩杜蘅

半兩

防風

一兩細辛

二兩川椒

一兩茵芋

一兩白芷

石膏

右搗篩為散每用四兩以水一斗二升煎取八升去

滓於煖室中稍熱沐頭熱擦之如有汗出切宜避風

消風散

治諸風上攻頭目昏痛項背拘急肢體煩疼

肌肉懦弱目眩旋暈耳鳴蟬鳴眼澁好睡鼻塞多嚏

皮膚頑麻瘙痒癰疹又治婦人血風皮腫癢眉稜骨

痛旋暈欲倒痰並惡心

人參 羌活 川芎 白茯苓 白殭蠶炒 蘆香

葉 荊芥穗 防風 甘草炒 蟬殼各二兩 厚朴製

陳皮各半兩

右為末每服二錢防風荊芥煎湯調下一方茶清調下如久病偏頭痛身重寒熱倦疼用溫酒調下亦得并服之小兒虛風目澁昏困急慢驚風用乳香荊芥茶湯調下半盞不計時候

人參順氣散 治感風頭疼鼻塞身重及一切中風宜

服疎風順氣

乾薑

人參

各一兩

川芎

去蘆

甘草

炙

桔梗

去蘆

厚朴

製去

粗皮白朮

去蘆

陳皮

淨

白芷

麻黃

去根節

乾葛

三兩半

右以咀每服三錢水一盞薑三片棗一箇薄荷五七

葉煎熱服無時如感風頭疼咳嗽鼻塞加葱白煎一

方加殭蠶一兩乾薑半兩去白朮人參簡易方加烏藥

枳殼去厚朴乾葛分兩同通治滿氣也

治傷風感風一切頭痛

甘菊

一兩 細辛

半兩 甘草

七錢

白芷

二兩 香附

二兩 羌活

二兩

薄荷

二兩 荊芥

二十支

茵陳

五錢

蒼朮

浸

川芎

各一兩

右為末每服二錢茶清調下婦人產後當歸石膏末

調下

安神散 治頭痛頭旋眼黑

羌活

一兩 防風

三錢 半

柴胡

升麻

知母

酒浸

生地黃

酒浸各半兩

黃柏

酒浸一兩

黃耆

二兩

甘草

三錢 炙

生甘草

二錢

右咬咀每服半兩水二大盞煎至一盞半加蔓荊子

半錢川芎三分再煎至一盞去滓臨卧熱服

治中風頭疼發熱耳急方

麻黃 葛根 石膏 桂心 各三兩 附子 芍藥

甘草 秦艽 防風 各二兩 生薑 五兩

右咬咀水一斗煮取三升分三服復取汗

川芎茶調散 治頭風上攻頭目昏重偏正頭疼鼻塞
聲重傷風壯熱肢體疼痛煩肌肉瞤動膈熱痰盛婦人
血氣攻症太陽穴痛但是感風並宜服之常服清頭

目

川芎

荊芥穗

各二兩

白芷

羌活

甘草

各一兩

防

風

七錢半

細辛

去土半兩

龍腦

薄荷

香附子

各四兩

右為細末每服二錢食後茶清調服一方無香附子

用葱涎調貼兩太陽穴

生犀雞蘇丸

治風壅頭疼目眩

犀角屑

半兩

雞蘇葉

荊芥穗

天麻

細辛

去苗葉半

獨活

去蘆一兩

甘草

炙

人參

芎藭

各一兩

右為末煉蜜和丸如雞子大每服一錢食後茶清調

下

芎藭散 治頭痛或時旋轉

芎藭

一兩防風

去蘆

葛根

一兩剉

旋覆花

半兩

白蒺藜

一兩

微炒

枳殼

一兩麩炒
去刺微黃去瓢

石膏

二兩

甘菊花

半兩

甘草

半兩
炙微

赤

右搗篩為散每服三錢以水一中盞煎至六分去滓

不計時候溫服

木乳散 治頭面風頭痛胸膈多痰時復暈悶

木乳

一兩酥炒

旋復花

兩半枳殼

三分麩炒微黃去瓢

石膏

甘菊

兩半防風

去蘆半兩

芎藭

兩半甘草

半兩炙微赤剉

荆芥

三分

右為麤散每服三錢以水一中盞生薑半分煎至六分去滓不計時候稍熱服之

石膏散 治風頭痛心煩體熱

石膏

二兩枳殼

三分麩炒微黃去瓢

薺芩

兩半防風

半兩去蘆

甘菊花

兩半獨活

兩半芎藭

兩半黃芩

三分甘草

兩半去蘆炙黃

右為麤散每服三錢以水一中盞生薑半分煎至六分去滓不計時候溫服忌炙煨熱麪

防風散 治頭風痛掣動

防風

去蘆一兩

升麻

一兩

黃芩

一兩

赤芍藥

一兩

蔓荊子

一兩

石膏

二兩

葛根

一兩

甘草

半兩

炙

微赤

右搗篩為散每服四錢水一中盞煎至六分去滓入淡竹瀝半合更煎一二沸不計時候溫服

小消風散 治傷風頭痛鼻淵聲重面赤多嚏自汗惡

風

川芎

半兩

荊芥穗

薄荷葉

蒼朮

炒川烏

炮去皮

石

膏

甘草

炙

防風

各一兩

右為細末每服一錢熱酒或茶調下不拘時候

菊花散

治風熱上攻頭痛不止口乾煩熱

石膏

甘菊花

去梗

防風

去蘆

旋覆花

去梗

枳殼

去瓢

蔓

荊子

甘草

炙

川羌活

去蘆

各等分

右以咀每服四錢水一盞半薑五片煎至七分去滓

溫服不拘時

豆粉丸 治風頭痛

川芎一分 細辛一分 甘草一分 龍腦一分 薄荷兩半 白芷一分 藁

豆粉 朴硝錢二

右為末煉蜜丸如彈子大再用石膏末為衣每服一
九茶清嚼下食後

蘆薈散 治風頭痛

蘆薈 防風 白附子炮 白朮 天麻 白

去義各半兩

芷各一兩 丹砂研 龍腦研各半兩

右為細末每服半錢葱白薄荷湯調下食後服

黑龍丸 治一切中風頭疼

白芷剉 藁本洗各二兩 軟石膏細研 川烏去皮尖烏頭蒸三次 南星

洗各半兩 麻黃去根節 乾薄荷各四兩 京墨不燒一兩半

右為細末煉蜜和丸如彈子大每服一九薄荷葉嚼

以茶調下

天南星丸 治頭風化痰涎

天南星

牛膽
內煑

白附子

炮一兩

石膏

三兩
研碎

犀角屑

一分
甘

草

炙

丹砂

研一兩

龍腦

研一分

右為末次入研者和勻以生雞蘇莖葉搗取汁和蜜煉熟丸如雞頭子大每服一九茶清嚼下食後卧服龍腦芎辛丸 治風熱頭痛痰涎壅悶旋暈昏倦

芎藭

二兩
細辛

去苗
葉

甘草

炙各
一兩

龍腦

研一分

天南星

炮

秦芫

去苗
土

丹砂

研各
一兩

右為末煉蜜和丸如櫻桃大每服一九食後嚼以茶

清或荊芥湯下

通關散 治感風發熱頭疼鼻塞聲重肩背拘急身體

痠疼肌肉瞤動牙關緊急及久新頭風攻症眼暗

撫芎

二兩 川烏 一兩

細辛

半兩

白芷

甘草

龍腦

薄荷

各一兩半

右為末每服二錢葱白茶清調下薄荷湯亦得

山茱萸散 治風頭痛目眩心悶時發甚

山茱萸

半兩 當歸 半兩

剉 微炒

防風

一兩 去蘆

柴胡

一兩 去苗

薯蕷

一旋覆花
兩石膏

半兩

一兩

右為散每服三錢以水一中盞煎至五分去滓不計時候調雞子清一枚服之

石膏湯 治風頭痛

石膏 碎 枳殼 去瓢 炒 薺芩 防風 菊花 旋覆花

芎藭 各等分

右麤擣篩每服四錢水一盞生薑三片薄荷五葉煎取七分去滓食後溫服

知母湯 治頭痛口乾煩悶寒熱

知母焙 升麻 子芩 葛根剉 麥門冬去心焙 甘

各半兩

草炙一分 石膏研一兩

右麤搗篩每服三錢水一盞煎至七分去滓溫服食

後

石膏散 治風壅頭痛眉骨痛

石膏研 芫薺 旋覆花各一兩 細辛去苗 甘草炙白

附子炮各一分

右為散每服三錢水一盞半煎至一盞不拘時服

羌活飲 治傷風頭目昏痛吐逆不下食

羌活

去蘆一兩

防風

去叉

茯神

去木

藁本

各一兩

甘菊花

擇去梗

桂

去粗皮各一兩

右麤擣篩每服三錢水一盞半生薑五片煎至一盞

去滓食前溫服如人行五里再服

沐頭方 治風頭痛或頭旋目眩四肢煩痛坐卧不安

蔓荆實

一元

參

一兩

芎藭

一兩

石膏

半斤

葛根

三兩

甘菊

花

右搗篩為散三度用每度以米泔汁一斗二升煮取八升去滓以煖室中稍熱沐頭如汗出宜避風

天南星丸 治風頭痛痰逆煩滿筋脉拘急手足麻痺

天南星

漿水煮切焙

半夏

漿水煮切焙

天麻

酒浸切焙

石膏

各半兩

白

附子

生一兩

滑石

二兩

右為細末麴糊和丸如梧桐子大每服十九食後荊芥湯下

立效九 治頭風痛不可忍

豆豉

四兩焙

川烏

二兩生去皮臍

蠶

一兩炒

地龍

半兩去土炒

葱

子

半兩生

右為末葱汁煮糊為丸如梧桐子大每服二十九生

葱茶下

通頂散 治風頭痛偏正頭痛不可忍者

龍腦

研

地龍

去土炒

瓜蒂

赤小豆

炒

馬牙硝

研各等分

右為散每用一小豆許食後含水搐入鼻內

地龍散 治風頭痛

地龍

去土炒

半夏

生薑汁搗作餅焙令乾再搗為末

赤茯苓

去黑皮各半兩

右為散每服一匙至半錢生薑荊芥湯調下兼治婦

人產後頭痛

旋覆花湯 治風頭痛

旋覆花 菊花 芍藥 甘草

各半兩

皂莢

酥炙去皮子一

兩

右搗篩每服三錢水一盞荊芥穗三莖茶末一錢同

煎至七分去滓溫服

活人書葛根湯 治太陽病頸項強無汗惡風為表實

葛根

一兩

麻黃

去節三分

官桂

芍藥

甘草

炙各半兩

右剉散每服四錢薑五片大棗一枚水一盞半煎服

芎藭散 治風頭痛

芎藭

莎草根

炒去毛各一兩

藿香葉

荆芥穗

石膏

碎研一兩半

右為散每服二錢荆芥湯調下食後服

石膏丸 治風盛痰壅頭疼不止

石膏

煨通赤淨地出火毒以器覆之一兩

白附子

炮一分半

鉛霜

研丹砂

研龍腦

研各一分

右研如粉薄荷汁煮麴糊和丸如梧桐子大丹砂為衣每服二九好茶嚼下

天香散 專治久年頭風甚者

方見首風類

治頭痛不可忍方

馬牙硝

研半兩

蘆薈

研少許

瓜蒂

三支為末

大羊膽

二枚臘月收

右入膽內線縛暗處陰乾細研磁合盛左痛吹右鼻
右痛吹左鼻兩度愈

槐實散 治風頭痛清頭目化風痰

槐實

炒八兩

荊芥穗

四兩

甘草

炙一兩

防風

去義三兩

右為散每服一錢茶酒任下食後服

天南星散 治風頭痛心膈煩熱壅滯頭面虛汗及上
焦壅熱病治之

天南星 半夏

各一兩二味為末水八升浸兩伏時逐日換水日足陰乾附子

生木
六錢 烏頭 生末
七錢

右同研勻大人半錢小兒一匙生葱薄荷茶調下

桂枝葛根湯 治太陽病頸項強汗出惡風為表虛

桂枝 芍藥 甘草 各七錢 葛根 一兩
三錢

右剉散每服四錢薑五片大棗一枚煎服

皂莢散 治風頭痛

皂莢 猪牙者七挺燒灰 烏頭 一枚炮裂
去皮臍 莎草根 七枚
生

右為散每服一錢臘茶調下併三兩服

治風頭痛及偏頭痛吹鼻方

萊菔子

半兩生薑汁半合

右相和研極細絞取汁入麝香少許滴鼻中搐入立定偏頭隨左右用之

治一切風痰及頭疼不可忍方

藜蘆

一兩雄黃一分研

右為散研勻每服半錢至一錢溫水調服取吐一方只單搗藜蘆取細末每搐少許作嚏藥亦妙

治鼻塞及頭疼風痰

馬牙硝

研細半兩

地黃汁

合一

右相和於銅器中用慢火煎令乾便取出研細每挑少許入鼻搐上吐痰即差

惡實散

出篋中方

治風頭及腦掣痛不可禁者摩膏主

之

又方用牛蒡莖葉擣取濃汁二升合無灰酒一升鹽花一匙頭慢火煎令稠成膏以摩頭痛處風毒散白芷

亦主時行頭痛摩時須極力合作熱乃速效冬月無
苗用根代之亦可

治一切風虛常惡頭痛欲破者

右用杏仁去皮尖乾暴為末水九升研濾作粥法緩
火煎令如麻腐取起和羹粥內酒一匙服之每食前
不限多少服七日後大汗出禁風冷猪雞大蒜酢一
劑後諸風減差春夏恐酢少作服之秋九月後煎服
之

上清丹

出經効
濟世方

治風痰頭痛不可忍者

大天南星

茴香

等分

右生用為末鹽醋煮糊為丸如梧桐子大食後薑湯

下二粒

又方南荊散

出經効
濟世方

天南星

一箇重
一兩

荊芥穗

各等分

右為末生薑汁煮糊為丸如梧桐子大食後薑湯下

二十九

二聖散

出御藥院方

治風頭痛上焦壅滯心膈煩熱及治

偏頭疼

硝石

細辛

華陰者去苗葉各一分

右研為細散每服用半匙發時嚙入不痛邊鼻內或用紙撚子蘸藥絛鼻中如未已方搗痛邊鼻內

菊花湯

一名救生散

治風頭痛

方見本門風頭眩類

石膏丸

出聖濟總錄

治風毒上攻頭痛

石膏

研菊花

防風

去

葛根

剉各二兩

右為末煉蜜和丸如梧桐子大每服二十九加至三

十九食後卧熟水下

芎藭散

治風壅頭痛

方見本門
首風類

荊芥散

出聖濟
總錄

治風邪客於陽經頭目重及頭面虛

汗連腦痛

荊芥穗

半兩

烏頭尖

一分

雄黃

研一錢

白殭蠶

直者炒
一分

右為散每服一錢荊芥茶調下每服藥訖卧少時

都梁丸

一名止
彈丸

王定國因被風吹項背拘急頭目昏

眩太陽并腦俱痛自山陽拏舟至泗州求醫楊吉老
既診脈即與藥一彈丸使服王因疑詰經一時再作
併進兩丸病若失去王甚喜問為何藥答云公如道
得其中一味即傳此方王思索良久自川芎防風之
類凡舉類種皆非但一味白芷耳王亦神之此藥初
無名王曰是藥出自都梁今竟可名都梁丸也大治
諸風眩暈婦人產前產後乍傷風邪頭目昏重及血
氣頭痛服之令人目明凡沐浴後服一二粒甚佳暴

乍暖神思不清頭目昏暈並宜服之

出德生堂

右用香白芷大塊擇白者新潔者先以棕刷去塵土用沸湯泡洗四五遍為細末煉蜜和丸如彈子大每服一九多用荊芥點臘茶細嚼下食後常服諸無所忌只乾嚼亦可一方如熱風冷酒調冷風熱酒調下一方細嚼川芎葱白茶清送下

又方

出經驗良方

治頭風腦骨痛

方用水浸皂莢春浸三日夏秋五日冬十日就水洗

淨新瓦焙乾為末每用一匙茶調服又將少許吹入
鼻中

治卒中惡風頭痛方

出千金方

右搗生烏頭以大酢和塗故布上傳痛處須臾痛止
日夜五六傳逐痛處傳之搗烏頭須去皮一方塗於
頂上腦角太陽穴風府之上須臾痛止

又方

出千金方

右用羊膽入元精石末陰乾水調一匙吹鼻中立止

大蒜搗鼻法

一名搗鼻法

治頭風頭痛不可忍亦可搗小

兒驚風

出仁存方

右用蒜七箇先燒地通紅掃出火將蒜去皮逐箇於紅地上磨成膏子地上却將殭蠶一兩去嘴足安在蒜上用碗覆定四邊勿透氣來日取出只用殭蠶為末先含水一口將藥末豆大搗於鼻內立效

治風頭疼痛每欲天陰雨風先發者

出聖惠方

右用桂心一兩為末以油調如膏以傅頂上并額角

一方用酒調下

豉湯方

出肘後方

治頭風痛

右用豉湯洗頭避風即差

枕頭方

出聖惠方

治風頭痛

右用食茱萸葉細剉洒酒拌勻以絹袋盛之於甑中蒸熟承熟分兩包子更換枕之取差為度

烏金煎

出聖惠方

治風頭痛語澁健忘

黑豆

一升淨淘

獨活

一兩

荊芥

一兩

石膏

三兩

黃芩

一兩

右細剉以水五大盞煎至一大盞入無灰酒一升攪
濾去滓再煎如稀膏盛於瓷盒中每服食後溫酒調
下一茶匙

吹鼻散 治風頭痛及偏頭疼

瓜蒂末 地龍末 苦瓠末 硝石末 麝香

各一兩

末 半錢

右藥末都研令勻先含水滿口搗藥末半匙深入鼻
中當取下惡物神效

通頂散

出濟生
拔粹

嚏藥

石膏

川芎

赤小豆

瓜蒂

各一錢

藜蘆

許少

右為細末噙水搐之

治風頭痛每欲天陰風先發者方及風毒上攻頭昏眼

暈

一名菊花散
出聖惠方

甘菊花

芎藭

各一兩

右為細散每服不計時候以溫酒調下二錢一方茶

清調下

又方

出聖惠方

右熟煮大豆內飴麯中作漿日日溫洗頭良

藿香散 治風客於陽經頭重疼痛及偏頭湊一邊統

額角痛

方見本門頭痛類

治卒中惡風頭疼

用芥子為末酢和傅頭一周時

神朮散

出華陀中藏經方

治傷風頭痛聲重

蒼朮

兩四川芎

兩

藁本

兩

甘草

一兩炙

右咬咀每服二錢水一盞生薑三片同煎至七分通
口服不拘時候

消風散

出保生
回車論

治風頭疼

龍腦

薄荷葉

二兩去
土令淨

荊芥穗

二兩

羌活

半兩

川芎

半兩

細辛

去苗
一分

白朮

二兩
剉

石膏

研細水飛
日乾等分


甘草

半兩炙
紫色

右杵羅為末每服二錢茶清或醇酒調下熱服日三
服不計時候一切風寒或沐浴之後並宜服之

治一切風攻頭目痛

用天南星一箇掘地坑子火燒令赤安於坑中以醋
一盞蓋之不令透氣候冷取出為末每服一匙以酒
調下重者半錢匕



普濟方卷四十五